

"মিষ্টি বাচ্চারা - বাবা আর বিশ্ব-রাজ্যাধিকার স্মরণেই তোমাদের সর্ব শক্তির উপার্জন তৎসহ সুস্বাস্থ্যেরও , ফলে তোমরা অমরত্ব লাভ করো ।"

প্রশ্নঃ -হৃদয়কে শুদ্ধ বানানোর সহজ উপায় কি ?

উত্তরঃ -যেখানেই থাকো ট্রাস্টি হয়ে থাকো ।প্রতিনিয়ত মনে করো আমরা শিববাবার ভাণ্ডার থেকে খাবার রসদ পাই । শিববাবার ভাণ্ডারের ভোজন প্রাপ্তিতে হৃদয় শুদ্ধ হয়ে যায় । প্রবৃত্তি মার্গে থেকেও যদি শ্রীমত্ যেমন নির্দেশ অনুসারে ট্রাস্টি হয়ে থাকে তবে সেও শিববাবার ভাণ্ডারী হয় , মন থেকে সমর্পিত ।

ওম্ শান্তি । জন্ম-জন্মান্তর ধরে বাচ্চারা অর্ধকল্প সতসঙ্গ করেছে , সাধু-সন্ত , পণ্ডিত ইত্যাদি সব মানুষের সতসঙ্গ হয় , এখানে জ্ঞান মার্গে কোনও মানুষের সতসঙ্গ হয়না । একে বলা হয় রুহানি সতসঙ্গ । সুপ্রীম রুহ্ , রুহ্-দের সাথে রুহ্-রিহান করেন অর্থাৎ পরমাত্মা আত্মাদের সাথে বার্তালাপ করেন বা বলা যায় সতসঙ্গ করেন । এখানে তোমরা না কোনও মানুষের থেকে শুনছ , না কোনও দেবতাদের থেকে শুনছ । তোমরা শুনছ স্বয়ং ভগবানের থেকে । ভগবান চিরকাল নিরাকার , তিনি অবতীর্ণ হন সেই সময় , যখন বাচ্চাদের ভগবান-ভগবতী করে গড়ে তোলার পাঠ পড়াতে হয় । ভগবান (শিববাবা) ব্যতীত ভগবান আর ভগবতীর পদাধিকার কেউ দিতে পারেনা । তোমরা বাচ্চারা জেনেছ প্রত্যেক কল্পের সঙ্গমযুগে এসে নিরাকার ভগবান আমাদের জ্ঞান প্রদান করেন । এই বিষয়ের সবকিছু কেবল তোমরা বাচ্চারাই বুঝতে পার , দ্বিতীয় কারও পক্ষে বোঝা মুশকিল । নিশ্চিতরূপে শিববাবার অবতরণ হয় , কিন্তু তবুও তাঁর পরিবর্তে কৃষ্ণকে গীতার ভগবান বলে উল্লেখ করা হয় । সেইকারণে , সবার বুদ্ধিতে ঈশ্বর বলতে মানব-দেহের ভাবনাই জাগরিত হয় । তোমরা দৈবগুণসম্পন্ন ছিলে , আর এখন আসুরিক গুণের ছত্রছায়ায় রয়েছ । আবার তোমরা চেষ্টা করছ নিজেদের দৈবীগুণসম্পন্ন করে গড়ে তুলতে । যাঁরা দৈবী গুণের তাঁরা ঈশ্বরীয় সম্প্রদায়ের আর যারা আসুরিক গুণের তারা আসুরিক সম্প্রদায়ের বলে গণ্য করা হয় । এখন নিরাকার বাবা নিরাকার সম্প্রদায় অর্থাৎ আত্মাদের পড়ান , এইজন্য বলা হয়ে থাকে ঈশ্বরীয় সম্প্রদায় অথবা রুহানি সম্প্রদায় , যাদের রুহানি বাবা এসে পড়ান । আর এই সময় থেকে শুরু হয় তোমাদের রুহ্ -অভিমানী হয়ে ওঠার পালা । বুঝতে পারছ আমরা হলাম আত্মা আর বাবা আমাদের পড়াচ্ছেন এবং বলছেন , " আমাকে স্মরণ করো বাচ্চারা , তোমাদের বিকর্ম বিনাশ হবে ।" রুহ্-দেরই পড়ান কেননা তিনি জ্ঞানপূর্ণ আর- যে ঋষি-মুনীরা , তাঁরা হয়না-হতে পারেনা বলে নিজেদের মত পোষণ করে গেছেন অর্থাৎ আমরা এসব রুহ্ সম্পর্কে জানিনা । তারা জ্ঞানসাগরের কাছে উপস্থিত না হওয়া পর্যন্ত তাদের কিভাবে জ্ঞান দেওয়া সম্ভব হবে ! এই জ্ঞান যথার্থভাবে বুঝতে হবে । আমাদের কোনও মানুষ পড়ায় না পড়ান আমাদের বাবা । তিনি হলেন বেহদের বাবা , নিরাকার । এও

বাচ্চাদের বোঝানো হয়েছে , সাকার আর নিরাকার এই দুই বাবা প্রত্যেক বাচ্চাদের সাথে সম্বন্ধিত । এক বাবা রুহানি আর এক বাবা দেহ-সম্বন্ধীয় । রুহানি বাবা এসে রুহ-দেহ পবিত্র করে গড়ে তোলেন । তোমরা বুঝতে পারছ আমরা পবিত্র ছিলাম , পতিত হয়েছি এবং জেনেছ পতিত থেকে আবারও কিভাবে পবিত্র হওয়া যায় তার উপায় । চিত্রও সামনে আছে , বাবা নির্দেশ দিচ্ছেন , বারংবার চক্রে সামনে বসে সারা জ্ঞান বুদ্ধির দ্বারা বুঝে নাও, আমরা সঙ্গমযুগের দোরগোড়ায় বসে আছি । অন্যান্য সকলে নিজেকে কলিযুগীয় মনে করে । কলিযুগ ঘোর তমসাস্ফল্ল ...তোমরা এখন সঙ্গমযুগে রয়েছ , প্রকাশমান সময়ে ...সত্যযুগে তোমাদের আর এই জ্ঞানপ্রাপ্তির প্রয়োজন হবেনা । বাবা যখন আসেন তখনই জগত্ আলোয় আলোকময় হয়ে ওঠে । এই সঙ্গমযুগ হ'লো কল্যাণকারী যুগ। এই যুগের মতো শ্রেষ্ঠ আর কোনও কিছু হয়না কেননা বাবা স্বয়ং এই সময়ে ধরিত্রীর বুকে পদার্পণ করেন । সত্যযুগকে কল্যাণকারী বলা যায়না ; কারণ , সেখানে আলাদা করে কারও কল্যাণের দরকার হয়না । কল্যাণ হয় সঙ্গমে । আর সত্যযুগ ! সেতো সর্বদাই কল্যাণময় । কলিযুগকে সত্যযুগ আর কল্যাণকারী রূপে গড়ার জন্য সঙ্গমযুগের এত মাহাত্ম্য । তবে বুঝতে পারছ তো তোমাদের এই সময় কত কল্যাণ হয় , কেবল আর কেবলমাত্র বাবা এবং তাঁর প্রদেয় বিশ্ব-রাজত্বের স্বত্বাধিকার স্মরণ করায় , তোমাদের ২১ জন্মের প্রারম্ভ-এর উপার্জন নিশ্চিত । প্রারম্ভ আর সুন্দর ও সুস্বাস্থ্যের অধিকার এবং তোমাদের অমরত্ব লাভ , এত কিছুর প্রাপ্তি । তোমাদের অকাল মৃত্যু থেকে মুক্তি । তবে ! বাচ্চারা তোমাদের কত খুশি হওয়া উচিত ; কেননা তোমাদের বুদ্ধিরূপী কলস এই পবিত্র জ্ঞানে পরিপূর্ণ । বাচ্চারা , তোমরা এখানে আসছ , সুতরাং পুরুষার্থ করে মিউজিয়ামে রাখা চিত্রের ব্যখ্যা করার উপযুক্ত হতে হবে তোমাদের । নিজেকে উপযুক্ত করে তুলতে সাত -আট দিন নিয়মিতভাবে সংগঠনে এসে শিখতে হবে কিভাবে চিত্রের ব্যখ্যা করতে হয় । প্রাকটিস অর্থাৎ অন্যকে বোঝানোর অভ্যাস রপ্ত হলেই চারিদিকে সেবাকাজে বাচ্চারা ছুটে বেড়ায় । সেবা করে আবার ফিরে আসে । এইসব শেখা তো খুবই সহজ । চিত্রকে সামনে দেখলে তোমরা অতি সহজেই বুঝতে পারো আমরা সঙ্গমযুগের দুয়ারে বসে আছি । আজকের দুনিয়ায় অত্যাধিক মানুষের ভিড় , কিছুকাল পরে আবার অত্যাধিক সংখ্যা অল্পসংখ্যক-এ নেমে আসবে । এত যে সবাই আছে তাদের সকলকে ঘরে , মুক্তিধামে ফিরে যেতে হবে । বাবা স্বয়ং এখন এখানে এসেছেন , তিনি বাচ্চাদের কত কদর করেন , সেই দূর দেশের অধিবাসী , বাবা এসেছেন পরদেশে . . . রাবণের দেশে , এতো পরদেশই হ'লো । রামের দেশে রাবণ তো কখনও যেতে পারেনা । এই বিষয়ে একটা কাহিনী অথবা কথাও শোনানো হয় , যে কথাই শোনানো হোক তার সবই কাহিনী মাত্র । না কাহিনীর কোনও সত্যতা আছে , আর না আছে নভেলের । নভেল ইত্যাদি কত যে বিক্রি হয় ! শুধু এই নভেল বিক্রি করেই লাখপতি হয়ে যায় । তোমাদের লালন -পালন এখন বাবার হাতে । তোমার থেকে ভোজন করি অর্থাৎ তোমারই ভাণ্ডার থেকে ভোজন করি বাবা ...তোমাদের সকলরকম প্রতিপালন এখানেই হয় । যে সমর্পিত হয় তার লালন তো অবশ্যই হয় , কিন্তু যে মন থেকে সন্দেহাতীতভাবে বিশ্বাস করবে এই সবকিছু ঈশ্বরের (বাবার) , আমি সেবায়েত , আমি বাবার শ্রীমত পথ অনুসারেই ব্যয় ইত্যাদি করব । আর এইভাবে ভাবতে পারলে সেও শিববাবার ভাণ্ডারেরই ভোজন করে । শিববাবার ভাণ্ডারের রসদ প্রাপ্তিতে হৃদয় শুদ্ধ হয় । এরকম নয় যে , যারা শ্রীমত পথে নেই তারা শিববাবার ভাণ্ডার থেকে ভোজনের রসদ পায়না । বাবার নির্দেশিত পথের বাচ্চারা যেমন বাবার ভাণ্ডার থেকে ভোজন করে তেমনইভাবে এরাও বাবা-ভাণ্ডারের থেকেই ভোজন করে । যে ভাণ্ডার থেকে ভোজনাদি করছ সেই ভাণ্ডার সর্বদা পরিপূর্ণ থাকে এবং কালকন্টক দূর হয় ...আর তারপরে কখনও তোমাদের অকাল মৃত্যুর কোলে আশ্রয় নিতে হয়না । এই সময় শিববাবা আসেন , তাঁর মহিমারও গায়ন আছে । শিব

জয়ন্তী উদযাপন করে কিন্তু তাঁর ভান্ডার কেমন হয় তা 'কেউ জানেনা। চিরকাল বাবা নিয়মমতো আসছেন। বাচ্চারাও, যারা আসে তারা শিববারার ভাণ্ডার থেকেই ভোজন পায়। আচ্ছা! যদি পুরুষ সমর্পিত হ'ল তো সব দিক ঠিক আছে, কিন্তু যদি নিজেকে সমর্পণ না করে তবে মাতারা কি করবে? অর্থোপার্জনের দায়িত্ব পালন তো স্বামী করে, সে-তো সমর্পিত হয় না। তার উপার্জনে স্ত্রী খায়। তবে যুগলে সমর্পিত হলে শিববারার ভাণ্ডার থেকে প্রতিপালনের ব্যবস্থা হতে পারে। এই সকল কিছু বাবা বাচ্চাদের যথার্থভাবে বুঝিয়ে দেন। বুদ্ধিকে সচল রাখতে হয় এই ভাবনায় - কর্মভীত অবস্থায় পৌঁছনো পর্যন্ত আমরা বাবার কাছে বসে আছি। দিন-দিন আমরা নিজেদের স্বরাজ্যের দিকে এগিয়ে চলেছি। সময় বয়ে যাচ্ছে। তোমরা কাছাকাছি চলে এসেছ। সত্যযুগের পূর্ব বছরকালের হিসেব এখন কত সময়ের বলা যাবে? এখন কত কাছে এসেছ? বাবা বলছেন - "বাচ্চারা এখন তোমাদের ৮৪ জন্মের চক্র সম্পূর্ণ হতে চলেছে।" তোমরা এখন ৮৪ জন্মের চক্রকে জেনেছ - বুঝেছ। চক্রকে দেখতেই বুঝতে পেরে যাবে আমরা বর্তমানে সঙ্গমে আছি। এপারে কলিযুগ, আর ওপারে সত্যযুগ। কাল অর্থাৎ আগামী সময়ে আমরা সুখধামে বিরাজ করব। পুরনো এই দুনিয়ার কারও জানা নেই তারা ঘোর অন্ধকারময় জগতে চলমান। তোমাদের-বাচ্চাদের খুব খুশি থাকতে হবে। বেহদের বাবার থেকে ২১ জন্মের অপার সুখ-শান্তির খাজানা লাভ করি। সদাই সুখের প্রাপ্তি - এই খুশিতে মন মেতে থাকে। স্বর্গবাসী হওয়া, সেতো তোমাদের ভাগ্যেই আছে। স্বর্গ চমত্কার এক স্থান। যেমন সস্তা আশ্চর্য বিদ্যমান, তার তুলনায় স্বর্গ হ'লো তার থেকেও বড় আশ্চর্যজনক। অতীব সুন্দর স্বর্গের চিত্রও আছে। আমাদের লক্ষ্মী-নারায়ণ স্বর্গের মালিক ছিলেন, এইজন্য বাবা লিখেছিলেন - উপরে সূর্যবংশীয় আর নিচেই চন্দ্রবংশীয়দের সময়কাল লিখে দিলে অর্ধকল্পের হিসেব সম্পূর্ণ হয়; সূর্যবংশীয় আর চন্দ্রবংশীয় সময়কাল ১২৫০ বছর করে হিসেব হয়। সেক্ষেত্রে লাখো বছরের হিসেব তো ধর্তব্যের মধ্যেই আসেনা। ওখানে বাহুবলের জন্য কত ব্যয় হয় কিন্তু এখানে শুরু থেকে শেষ পর্যন্ত কোনও খরচ নেই। এখানে বাবা আর সন্তানের সম্পর্ক, খরচের তো কোন ব্যাপারই নেই। বাচ্চারা এখানে এলে তাদের রিফ্রেশ হওয়ার জন্য ঘর-বাড়ী ইত্যাদি তৈরী হয়েছে। বাচ্চাদের অর্থই হয়েছে, অনেকদিন ধরে এইভাবেই চলে আসছে, অবশিষ্ট দিন আর অল্প আছে, খরচ কিছুই নেই। কোনও অর্থ খরচ না করে তোমরা জীবনমুক্তি লাভ করো। এতে শুধুই পরিশ্রম যেটুকু করতে হয়। ভগবানকে সব ভক্তই স্মরণ করে কিন্তু জানেনা ভগবান কে! ভগবানকে সঠিকভাবে না জানার কারণে বছর মধ্যে ভগবানকে খোঁজে। তোমাদের বাচ্চাদের এখন সত্য বাবার পরিচয় দিতে হবে। বাবা অনেকবার বুঝিয়েছেন বড় বড় চিত্র শহরে বা শহরাঞ্চলের মুখ্য স্থানগুলোতে লাগাতে, যেমন বিমানঘাঁটিতে (aerodrome) লাগানো যেতে পারে, সেখানের ভারপ্রাপ্ত লোকেরা বিনিময়ে কিছু দিতে বললে বোঝাতে হবে মানুষের কল্যাণ হেতু অনুরূপ হচ্ছে। এঁরা বুঝতে পারলেই মানুষ বাবার থেকে স্বত্বাধিকার নিয়ে বিশ্বের মালিক হ'তে পারে। মুখ্য হ'লো দিল্লী, রাজধানী, সেখানে বিভিন্ন প্রদেশের লোকজন একত্রিত হয়। সেখানে বড় বড় সাইনবোর্ডে চিত্র লাগাতে হবে। চিত্রের মধ্যে মুখ্য থাকবে ত্রিমূর্তি, চক্র আর ঝাড়ের চিত্র। আর সিঁড়ির চিত্র তো চমত্কার, এতে বিনাশ ইত্যাদিও যথার্থভাবে লেখা হয়েছে। বিচার করতে বলা হচ্ছে পতিত-পাবন, পরমপিতা পরমাত্মা নাকি গঙ্গার জল! ব্রহ্মাকুমার - কুমারীরা প্রশ্ন করে - ঈশ্বর সর্বব্যাপী বা এক নিরাকার পরমপিতা পরমাত্মা, কোনটা ঠিক? বাবার থেকে বাচ্চারা রাজ্য অধিকার পায়। মুখ্য হলো এই চিত্র। ত্রিমূর্তির চিত্রও মহা মূল্যবান। ব্রহ্মা দ্বারা বিষ্ণুপুরীর স্থাপনা হয়, আবার তিনি পালনও করেন। বাচ্চাদের অপার খুশি অনুভূত হওয়া উচিত - বেহদের বাবা আমাদের পড়ান, স্বর্গের মালিকরূপে গড়ে তুলতে। বাবা এসে স্বর্গের স্থাপনা আর নরকের

বিনাশ করান। এই বিনাশের জন্যই মহাভারতের লড়াই শুরু হয়। প্রত্যেক পাঁচ হাজার বছর বাদে এই চক্র ঘুরে আসে। বাবাও প্রত্যেক কল্পের অন্তিমে সঙ্গমযুগে আসেন। গীতায় আবার বলা হয়েছে যুগে যুগে আসেন তাহলেও তা' সঙ্গমযুগ মিলিয়ে পাঁচ যুগ হয় অর্থাৎ পাঁচবার এসেছেন। তবে আবার ২৪ অবতার, অমুক অবতার এসব লেখার তো কোনও অর্থ হয়না! মানুষ কত যজ্ঞ, তপ, তীর্থ ইত্যাদি করে, ভাবে এই সবই ভগবানকে পাওয়ার পথ। কিন্তু ভগবানের কাছে তো কেউ যেতে পারেনা। অর্ধকল্প ধরে মন্দিরে মন্দিরে মাথা ঠোকে। জন্ম -জন্মান্তরে এদিকে ওদিকে ঘুরে বেড়াচ্ছে, এরকম কত কিছু করেছে ...কিন্তু বাবাকে পায়নি। বাবা এখন তোমাদের কত কাছে আছেন। তোমাদের সাথে কথা বলছেন, তোমাদের বোঝাচ্ছেন। তোমরা বুঝতে পেরেছ কল্পে- কল্পে হুবহু এইভাবে বাবার সাথে মিলিত হই এবং যা কিছু ঘটেছে কল্পে -কল্পে সেইসব একই ঘটনার পুনরাবৃত্তি হবে। তিনি, দাদা আবার জ্বর হবেন, বাবা আবারও তাঁর মধ্যে প্রবেশ করবেন, আবার সেই বাচ্চারাই এসে বাবার হবে এবং বাবার থেকে স্বর্গের রাজ্য অধিকার নেবে। পরমপিতার সাথে তোমাদের বাচ্চাদের অনাদি -অবিনাশী পার্ট কল্পে কল্পে রিপিট হয়ে চলেছে। আচ্ছা।

মিষ্টি-মিষ্টি হারানিধি(সিকিলধে) বাচ্চাদের প্রতি মাতাপিতা, বাপদাদার স্মরণ -স্নেহ আর সুপ্রভাত।
রুহানি বাবার রুহানি বাচ্চাদের নমস্কার।

ধারণার জন্য মুখ্য সার :-

- ১) এখন কল্যাণকারী সঙ্গমযুগ, এই সময় সব কিছুতেই কল্যাণ, উপর্যুপরি (একটার পর একটা) উপার্জন। বাবা আর রাজ্য অধিকার স্মরণ করে ২১ জন্মের জন্য জীবনকে অমর করে তুলতে হবে।
- ২) প্রবৃত্তিগত জীবনে থেকেও মন-বুদ্ধির দ্বারা সমর্পিত হতে হবে। শ্রীমত অনুসরণ করেই ব্যয় করতে হবে, ট্রাস্টি হয়ে থাকতে হবে। শিববাবার ভাণ্ডার ভরপুর কালকন্টক দূর।

বরদান :- ভাঙা, গড়া এবং জোড়া - এই তিন শব্দের স্মৃতি দ্বারা সদা বিজয়ী ভব

সম্পূর্ণ পড়া আর শিক্ষার সার এই তিন শব্দ :- ১) - কর্মবন্ধন ছিন্ন করতে হবে। ২) - নিজের স্বভাব -সংস্কারকে নতুনভাবে গড়তে হবে এবং ৩) - এক এবং একমাত্র বাবার সাথে সব সম্বন্ধ জুড়তে হবে - এই তিন শব্দের অনুসরণকারী সম্পূর্ণ বিজয়ী হবে। সেইজন্য সর্বদা এই স্মৃতি থাকুক এই চর্মচক্ষে বিনাশী বস্তু বা ঘটনা যাই দেখা যাক তার সবই স্থিরীকৃত। সেই সকল বিনাশ দেখেও নিজের নতুন সম্বন্ধ, নতুন সৃষ্টিকে দেখ তবে কখনও পরাজিত হবে না।

স্লোগান :- যোগীর পরিচায়ক - সদা ক্লিন অ্যান্ড ক্রিয়ার।